

shimhoudiksh, ada na n't dakdogum wilalaut, tkulshgüldukshumt wagait dum wil awäsh ga shimhoudiksh ga gü dum tkulamuksh älüdäantk ga dit.

24 Wai, gun wilalau nat'in shū-wilaigiangumt ā dumt dahap dum dash Christ dum wil ksh-hakhoigia-guntk gumt ā shimhoudikshit.

25 Wai, ltha wil goiduksha shim-houdikshit gĩaön, gun althga gik dalthüguma shūwilaigiangushk ga dit.

26 Awil tkanish nūshim klthgūsh ga Shimoigiat ga Lakāga ā shimhoudiksha gun wäldit ash Christ Jesus ga.

27 Awil shgabōsh nūshim nha baptizek ga dit ash Christ, ninit in wishwashk gish Christ dit.

28 Althga gik ligi Jew, ligi Greek, za ligi gik lüdhidhā ligi lipgiat, althga gik ligi wil yöt, ligi hanak: āwil gup shagait lügaul shim gish Christ Jesus.

29 Ada amizat Christ dalth nhawāl dā gwashim, gun dit Abraham gamai didā gwashim, dum gatkulān dit niwält ga na housh ga ēshk gaga.

lthū'ut gish ga wilalau ga, dup dum wil da'aklthk gish ga dum shaklthgū gut gā gum.

6 Ada wil ltha klthgū di dā gwa-shim, gunt haizt ga Shimoigiat ga Lakāga na Haigish ga Lthgölthk gut ga zum gagaudumt, ada hou dit, Abba, Nagwāt.

7 Gun althga gik tkulwāulimlthk gā gwan, yagai lthgölthk gut, ada amiza lthgölthk ada dum nh' tkulān dit ash ga wil Shimoigiat ga Lakāga gunwält ga.

8 Ada gup na ma shim wil wha wilaish ga Shimoigiat ga Lakāga na gun lthlthūungiat shim dash dup-niat gū whati dildölshumsh shimgi-giadum lakātk ga dit.

9 Ada al gĩaön lthā ma shim wilaish ga Shimoigiat ga Lakāga, yagai ligi lthat wilai shim ga Shimoigiat ga Lakāga n'da gun gik yilyeltk ga shim da lakalashgwum gagwēum wilsha hūkwu'nāt, N'lth gik hashak shimlth dum wil gik hazukshum lthlthū-'ungiat shimi?

10 Hashbagaud shimshashat, dilt hgiangut, wilawan lakat, dilt hgaulthilt.

11 Bāshinū da wila wāl shim, op za ligi gup whanahoiyum shagē-luklthi ā gwashim.

12 Waikia, gwanōyū da gwashim, di wāl shim ā na wānū; āwil di wālū da na wān shim; althga ligi whanahoiyum wāl shim ā goi.

13 Ada al ma shim wilai zō na da'alashgwum shame na shagou m'maltha ām da malshk ga dā gwa-shim ā higaugut.

14 Ada gau gunshpalt gauda dā gwashim ā na shame yūt althga na ma shim bilthgaud gut, ma za shim ligi gidalt; yagai ma shim gadumsh angelk gish ga Shimoigiat ga Lakāgat nūyūt, walumsh Christ Jesus ga shim dā goi.

CHAPTER IV.

1 Ada al hoyū dā gwashim shga-nak za ashi lthgūwaumlthk ga dum nh'tkulān dit althga lukshgiat da tkulwāulimlthk gut, zō al Miyān tkāni dit niadit:

2 Yagai kshlthū dida t'in lilth dit dilt h t'in shūwilaigiamga dit wagait wil lügwāntk ga nahou nagwādit.

3 Nini n'di wālum da ashi gu-butgnelthk gumt nat dukdidakltha num na gākshidāma halizogut:

4 Ada ltha lügwāntk ga dum wil wāl dit, ada wilt haizt ga Shimoigiat ga Lakāga Lthgölthk gat ga kshal-laklagut gish ga hanak ga, kshal-laklagut kshlthūut gish ga wilalau ga,

5 Dumt wil kshagigiaksh ga kshta-